

14 《大乘無量壽經解》 法藏因地第四

佛陀教育基金會 假日佛學院
2025 年 08 月 23 日

南無本師釋迦牟尼佛（三稱）

（開經偈）

無上甚深微妙法

百千萬劫難遭遇

我今見聞得受持

願解如來真實義

二、正宗分

一、 彌陀因地 殊勝願行	法藏勝因	法藏因地第四(時劫悲願)
		至心精進第五(佛土攝受)
	殊勝大願	發大誓願第六(四八大願)
		必成正覺第七(立誓自要)
	從願起行	積功累德第八(修菩薩道)
	果德成就	圓滿成就第九(佛土法身)
		皆願作佛第十(聞經緣勝)
二、極樂依正・清淨莊嚴 (11~21)		
三、三輩往生・菩薩禮供 (22~27)		
四、二土欣厭・重重誨勉 (28~37)		
五、得失雙辨・攝聖顯智 (38~42)		

【第二卷】

第二卷（從第四品至第十品）

本卷從經中第四品至第十品，詳陳彌陀因地，見佛聞法，初發大心，五劫精勤，結得大願。

一乘願海，六字洪名，三根普被，萬類齊收。

積功累德，住真實慧，一向專志莊嚴妙土。

於無量劫，積植德行，所發誓願圓滿成就。

如是內容，淨土三經，唯此獨備，

故稱本經為淨土第一經也。

二、正宗分 (1/3)

經之**正宗分**，如人之身軀，心肺各臟皆備於是。

本經以**第四品至四十二品**為正宗分。

彌陀因行，法藏大願，極樂依正莊嚴，
三輩往生正因，極樂菩薩修持，邊地疑城生因，
娑婆穢土惡苦，極樂顯現證信等，皆攝於此。

故不但為全經之主體，
實亦為**一部淨宗妙法之綱宗**也。

二、正宗分 (2/3)

本經於極樂世界教主阿彌陀佛之因地修行、殊勝誓願等等無邊妙法行，陳述詳盡，廣於餘經。本卷內容，即彌陀因地發願，與大願圓滿之經過。

經中首云，過去無量不可思議無數之劫。此表過去之時極為久遠。此時彌陀為世饒王，遇佛出家學道，法名法藏，發起宏深誓願，故知彌陀因地發心修行，為時實難稱計。

但更應知彌陀發願之時，已非凡夫，古德多稱此時已是地上菩薩，如是則彌陀最初發心之時，更遠於此也。

二、正宗分 (3/3)

是故淨宗學人於此應生淨信，彌感佛恩。
蓋此極樂依正及持名妙法，
乃彌陀無量無數不可思議劫，精勤修習之妙果。
今則以此果覺，作我因心，此恩此德，匪言可喻。
再者彌陀因地久證法身，故此一乘願王、
六字洪名、極樂依正種種莊嚴，甚至一毛一塵，
無非彌陀**無為法身**、**真實智慧**之所流現。
一一皆超情離見，一一皆是實相正印之所印，
一一皆是開化顯示**真實之際**，
一一皆惠予眾生**真實之利**。故此法門，不可思議。
下第四品，首明法藏比丘因地學道發心之因緣。

法藏因地第四・科判

長行	一、時劫因緣 - 過去無數劫世間自在王如來	佛告阿難：過去… 及世人民說經講道。
	二、聞法而發心出家	有大國主名世饒王 ……號曰法藏。
	三、出家後修行之德	修菩薩道…… 增上其心，堅固不動。
	四、至佛所禮讚發願	往詣佛所…… 發廣大願，頌曰：
偈頌	五、讚歎發願 - 於此顯示廣大菩提心	如來微妙色端嚴 ……如是願心永不退

【法藏因地第四】 經文之一（夏會本）

佛告阿難：過去無量不可思議無央數劫，有佛出世，名世間自在王如來、應供、等正覺、明行足、善逝、世間解、無上士、調御丈夫、天人師、佛世尊。在世教授四十二劫。時為諸天及世人民說經講道。

有大國主名世饒王，聞佛說法，歡喜開解。

尋發無上真正道意。棄國捐王，行作沙門，號曰法藏。

修菩薩道。高才勇哲，與世超異。信解明記，悉皆第一。

又有殊勝行願，及念慧力，增上其心，堅固不動。

修行精進，無能踰者。

往詣佛所，頂禮長跪，向佛合掌，
即以伽他讚佛，發廣大願。頌曰：

【法藏因地第四】 經文之一（魏譯本）

佛告阿難：乃往過去久遠無量不可思議無央數劫，
錠光如來，興出於世，教化度脫無量眾生，皆令得道，
乃取滅度。次有如來，名曰光遠……如此諸佛，皆悉已過。

爾時，次有佛，名世自在王如來、
應供、等正覺、明行足、善逝、世間解、
無上士、調御丈夫、天人師、佛、世尊。

時有國王，聞佛說法，心懷悅豫，
尋發無上正真道意，棄國捐王，行作沙門，號曰法藏，
高才勇哲，與世超異。

詣世自在王如來所，稽首佛足，右遶三匝，
長跪合掌，以頌讚曰：

【法藏因地第四】之一 (1/38)

(佛告阿難：過去無量不可思議)「無央數劫」。

梵語阿僧祇，翻為無央數。「央」者，盡也。

無盡數之劫，稱為無央數劫（或阿僧祇劫。

劫之義，見上品「布施累劫」。劫為極長之時間單位。非算數所及之劫，名無央數劫），

亦名阿僧祇劫。

而此阿僧祇劫又復是無有限量，非思議所能及，故云「無量不可思議無央數劫」。

指過去之時，久遠無極。

【法藏因地第四】之一 (2/38)

(有佛出世, 名) 「世間自在王」 (自《唐譯》)。

過去久遠，無量不可思議無盡數之大劫時，
有佛出現於世，名為「世間自在王」。

是乃古佛別有之名號，稱為別號。

世間自在者，常在世間而不為世間所拘礙。

如「佛照世間相，常住自寂滅」，是世間自在義。

又《甄解》曰：

「以世間配般若，自在即解脫義，王是法身。

三一相即，不縱不橫，名世自在王。」

是從涅槃三德釋佛名號。

【法藏因地第四】之一 (3/38)

古代一切從屬於王，故以**王**喻**法身**德。
一切皆從法身所流現，又一一還歸於法身，
故曰王是法身。

通達**世間**，屬**般若**德。

於世**自在**，是**解脫**德。

故「**世自在王**」圓攝三德，
三即是一，一即是三，
如「**∴**」字**三點**，不縱不橫，
表涅槃真身**常樂我淨**之無上妙德。

悉曇梵文字母發音表

——摩多（韻母）部分

摩 多 （ 韻 母 ） 四 種		平		韻（單母音）		十		字				
	摩多序號	1	2	3	4	5	6	7	8	9	10	
	悉曇梵字											
	羅馬轉寫	a	ā	i	ī	u	ū	r	rī	l	lī	
	漢語拼音	e	a 長音	i	ī 長音	u	u 長音	ri	ri 長音	li	li 長音	
	國語注音	ㄜ	ㄚ 長音	ㄧ	ㄧ 長音	ㄨ	ㄨ 長音	ㄖ	ㄖ 長音	ㄌ	ㄌ 長音	
	重		韻（雙母音）		四		字		隨韻		止韻	
	摩多序號	11	12	13	14	15	16					
	悉曇梵字											
	羅馬轉寫	e	ai	o	au	am	ah					
漢語拼音	ei 長音	ai 長音	ou 長音	ao 長音	e[m]	è						
國語注音	ㄟ 長音	ㄞ 長音	ㄡ 長音	ㄠ 長音	ㄝ[m]	ㄝ						
[阿字本不生 不生即阿字]												

[阿字本不生 不生即阿字]

【法藏因地第四】之一 (4/38)

「如來、應供……佛世尊」是諸佛通號。
一切佛同具此十號，實則諸佛德無量，
故德號亦無量，今隨眾生機，節略而稱十號。
又此十號在諸經中之開合，頗有不同，
例如《淨影疏》依《成實論》
合無上士與調御丈夫為一號。開佛世尊為兩號。
今依《涅槃經》、《瓔珞經》、《大論》，
無上士與調御丈夫分為兩號。
至於佛世尊，《涅槃經》則合之為第十號。
今依《涅槃》之說。以下分釋十號。

【法藏因地第四】之一 (5/38)

一、「如來」。

如者真如也。乘真如之道來成正覺，故名如來。

又如諸佛安穩道來，此亦如來來，

更不去至後有中，故名如來。

又如諸佛而來，故名如來。

又《合讚》曰：

「《涅槃梵行品》曰：

『云何名如來？如過去諸佛所說不變。

云何不變？過去諸佛為度眾生，說十二部經，如來亦然，故名如來。』」

【法藏因地第四】之一 (6/38)

又《會疏》曰：

「**如來**義有三：謂法身、報身、應身也。

《金剛經》云：『**無**所從**來**，亦無所去。』

此**法身**如來也。

《轉法輪論》云：『第一義諦名**如**，正覺名**來**。』

此**報身**如來也。

《成實論》云：『乘**如**實道，**來**成正覺，故名如來。』

此**應身**如來也。」

【法藏因地第四】之一 (7/38)

又《天臺壽量品疏》云：「如者，法如如境，
非因非果，有佛無佛，性相常然。

遍一切處而無有異為如，不動而至為來。
指之為法身如來也。」

蓋佛有法報化三身，
故如來之釋亦有法、報、應（即化）之異。

具如《會疏》所釋：

1. 無來去者為法身。
 2. 正覺於第一義諦、真如實相如是而來，是為報身。
 3. 乘真如實相之道而成正覺，如是而來，是為應身。
- 諸釋皆可依《會疏》之說，而知其意。

【如來・三身】

法身 如來	有佛無佛，性相常然， 遍一切處而無有異為如， 不動而至為來	無所從來 亦無所去	毘盧遮那 (遍一切處)
報身 如來	法如如智，乘於如如真實 之道來成妙覺，智稱如理， 從理名如、從智名來	第一義諦 名如 正覺名來	盧舍那 (淨滿)
應身 如來	水銀和真金，能塗諸色像， 功德和法身，處處應現往， 八相成道，轉妙法輪	乘如實道 來成正覺	釋迦文 (能仁寂寞)

【法藏因地第四】之一 (8/38)

二、「應供」。

《大論》曰：

「佛諸結使除盡，得一切智慧，
故應受一切天地眾生供養。以是故佛名應供。」

又《淨影疏》曰：

「證滅相應，故名為應。

又證滅故，合應供養，故云應供。」

又《會疏》曰：

「萬行圓成，福慧具足，

應受天上人間供養，饒益有情，故號應供。」

【法藏因地第四】之一 (9/38)

三、「等正覺」。

梵語三藐三菩提。具云阿耨多羅三藐三菩提。
 阿為無，耨多羅為上，三為正，藐為等，菩提為覺，
 即無上正等正覺。

菩薩因行圓滿而成等正覺。舊譯為無上正遍知，

《維摩經肇註》曰：

「阿耨多羅，秦言無上。三藐三菩提，秦言正遍知。
 道莫之大，無上也。其道真正，無法不知，正遍知也。」

又《淨影疏》曰：

「正者理也。於理窮照(即徹照於理體)，故云遍知。」

【法藏因地第四】之一 (10/38)

四、「明行足」。「明」有多解。

(一) 《大論》曰：

「宿命、天眼、漏盡，名為三明。」

《會疏》與《淨影疏》同之，均謂「明」即三明也。

(二) 但《淨影》又謂：

「明是證行，證法顯了，故名為明。」

是說較深。蓋《華嚴》一經唯是信解行證。

若於行法顯了明證，如是方為明也。

(三) 《涅槃經十八》曰：「明者，名得無量善果。

……善果者，名阿耨多羅三藐三菩提。」

是說最深，蓋以得無上正等正覺為明也。

今釋本經，以《涅槃》之說為妥。

【法藏因地第四】之一 (11/38)

又「**行足**」者，

《涅槃經十八》曰：

「**行**名腳**足**。……腳**足**者，名為**戒慧**。乘**戒慧**足，
得**阿耨多羅三藐三菩提**，是故名為**明行足**也。」

《淨影疏》同之。疏曰：

「龍樹說，**戒空慧**等，名之為**行**。

此二（指**戒**與**空慧**）**圓具**，故名為**足**。」

又《會疏》稍異。疏曰：

「**行足**者，謂身口意業，真正**清**潔。

於自願力一切之行，善修滿足，故號**明行足**。」

【法藏因地第四】之一 (12/38)

五、「善逝」。

善者好也。逝者去也，故又名好去。

《大論》曰：

「好去者，於種種諸深三摩提（即正定）

無量諸大智慧中去。如偈說：

『佛一切智為大車，八正道行入涅槃。』

是名好去。」

又《合讚》曰：

「善者，最初發心。逝者，大般涅槃。

如來不捨最初發心，得大涅槃，是故如來名為善逝。」

是均以入涅槃為善逝。

【法藏因地第四】之一 (13/38)

又《會疏》曰：

「善逝即妙往之義也。

謂以無量智慧，能斷諸惑，
妙出世間，能趣佛果故。」

是以趣佛果為善逝。與上說亦無實異。

至於佛無來去，云何名好去？

《淨影疏》曰：

「佛德圓滿，更何處去，

而言好去，雖無去處，非不能去。

如劫盡火，雖非所燒，非不能燒，故得云去。」

【法藏因地第四】之一 (14/38)

六、「世間解」。又譯知世間。

《涅槃經》曰：

「世間者，名為五陰。解者，名知。

諸佛世尊善知五陰，故名世間解。」

《淨影疏》曰：

「世間解者，是化他智。善解世間，名世間解。」

《會疏》曰：

「謂世間出世間因果諸法，無不解了，故名世間解。」

綜上三釋，故世間解者，乃化他之聖智，
謂如來如實知世間與出世間種種因果諸法也。

【法藏因地第四】之一 (15/38)

七、「無上士」。

士者人也。人中最勝，名無上士。

《涅槃經》曰：「如來者，名無上士。

譬如人身，頭為最上，非餘肢手足等也。

佛亦如是，最為尊上，非法僧也。」

又曰：「有所斷者，名有上士。

無所斷者，名無上士。」

《會疏》同上二說。疏曰：

「業惑淨盡，更無所斷，於三界天人凡聖之中，第一最上無等，故號無上士。」

【法藏因地第四】之一 (16/38)

又《智度論》曰：

「涅槃法無上。

佛自知是涅槃，不從他聞，
亦將導眾生令至涅槃。

如諸法中，涅槃無上，眾生中，佛亦無上。

復次，持戒、禪定、智慧教化眾生，
一切無有與等者，何況能過，故云無上。」

【法藏因地第四】之一 (17/38)

八、「調御丈夫」。《淨影疏》曰：

「能善調伏眾生，名調御丈夫。」

《合讚》曰：

「自既丈夫，復調丈夫。故號佛為調御丈夫。」

若具四法，則名丈夫。何等為四：

1.近善知識。2.能聽法。3.思惟義。4.如說修行。」

又《會疏》曰：「謂具大丈夫力用而說種種諸法，
調伏制御一切眾生，令離垢染，得大涅槃。」

或問：女人等亦應化度，何以獨標丈夫。

《智度論》答曰：「若說丈夫，二根（同具男女
二者之根）無根（天閼）及女盡攝，故說丈夫。」

蓋謂名為丈夫，則可概攝婦女、無根及二根等人。

【法藏因地第四】之一 (18/38)

九、「天人師」。

《淨影疏》曰：

「能以正法近訓天人，名天人師。」

《會疏》曰：

「所有天上人間、魔王外道，釋梵天龍，
悉皆歸命，依教奉行，俱作弟子，故號天人師。」

又《合讚》曰：

「諸佛雖為一切眾生無上大師，諸眾生中，
唯天與人能發無上大菩提心，是故號佛為天人師。」

【法藏因地第四】之一 (19/38)

十、「佛世尊」。

《成實論》等開為兩號，
以佛為第九號，世尊為第十號。

今依《涅槃經》，合佛世尊為第十號。

佛者覺也。自覺覺他與覺滿，三覺圓滿，故稱為佛。

又《合讚》曰：

「佛者名覺，既自覺悟，復能覺他。

譬如有人，覺知有賊，賊無能為。」

又佛名知者。如《智度論》曰：

「佛陀，秦言知者。……知過去、未來、現在，
眾生數、非眾生數，有常、無常等一切諸法。
菩提樹下，了了覺知，故名為佛陀。」

【法藏因地第四】之一 (20/38)

又「**佛**一切智慧成就故，過去、未來、現在，盡不盡、動不動，一切世間了了悉，故為佛陀。」

「**世尊**」梵名薄伽梵。

圓備眾德，為世欽重，故號世尊。

《成實論十號品》曰：

「如是**九種**（指前諸號）具足，

於三世十方世界中尊，故名世尊。」

又《智度論》以**佛**為**第十號**，

以**世尊**為具十號尊德之**總號**，

與此開合稍異，義無不同。

【如來・十號】

1 如來	tathāgata, 多陀阿伽陀	乘如實道而來
2 應供	arhat, 阿羅呵（阿羅漢）	有德應受供養
3 等正覺	samyak-saṃbuddha, 三藐三佛陀	無上正等正覺
4 明行足	vidyā-caraṇa-saṃpanna, 鞞多遮羅那三般那	三明眾行具足
5 善逝	sugata, 修伽陀	善入涅槃而逝
6 世間解	loka-vid, 路迦憊	世間諸法皆解
7 無上士	anuttara, 阿耨多羅	眾中無上之士
8 調御丈夫	puruṣa-damyasārathi, 富樓沙曇藐婆羅提	調御可化丈夫
9 天人師	śāstādevamanuṣyāṇām, 舍多提婆摩菟舍喃	天上人間之師
10 佛	buddha, 佛陀	智圓覺滿之佛
11 世尊	bhagavat, 婆伽婆（薄伽梵）	具德為世所尊

【法藏因地第四】之一 (21/38)

「在世教授四十二劫。時為諸天及世人民說經講道」
(見《漢譯》)。

彼佛住世弘法共四十二劫，時為諸天及世間之人民，
演說經文，講論道法與道要。

「道」者，覺悟之路也。《俱舍論》曰：

「道義云何？謂涅槃路，乘此能往涅槃城故。」

又《華嚴大疏》曰：「通至佛果，故名道。」

道法者，至涅槃正道之法也。道要者，佛道之樞要也。

如《讚阿彌陀佛偈》曰：「究暢道要無障礙。」

【法藏因地第四】之一 (22/38)

(有大國主，名) 「世饒王」

見《漢譯》。經曰：

「世饒王，聞經修道，歡喜開解。
便棄王位，行作比丘。」

義寂云：

「準彼經文，世饒王者，亦為法藏在俗時名。」

蓋《漢譯》之文甚為明確，作國王時，名世饒王，
出家後，即法藏比丘。

【世饒王・義寂云】

此出於《甄解》卷五。

然其中云：師資同名之例，《楞嚴》第六（卷）說觀音師觀音等，或如釋迦師釋迦，其例甚多矣。

有云：「《覺經》是譯有誤。」

誤取佛名為王名也。

或恐《梵本》有「世有大王」之文乎。

《漢譯》之云「世饒王」，是世有大饒之王義，故《吳》翻云「世有大國王」，是非王名也，餘譯不出之而已。

【世間自在王如來・世饒王】 (1/4)

經本	古佛佛名	教授	比丘俗名	出家名
夏會本	世間自在王	42劫	世饒王	法藏
漢譯本	樓夷亘羅	42劫	世饒王	曇摩迦留 法寶藏
吳譯本	樓夷亘羅	42劫	(大國王)	曇摩迦
魏譯本	世自在王	-	(國王)	法藏
唐譯本	世間自在王	-	-	法處
宋譯本	世自在王	-	-	作法
註	Lokeśvararāja		世饒王佛	Dharmākara

【世間自在王如來・世饒王】 (2/4)

《佛說無量清淨平等覺經》卷1:

「有佛名樓夷亘羅，在中教授四十二劫，
皆已過去【註】乃爾劫時作佛。

天上、天下人中之雄，經道法中勇猛之將，
佛為諸天及世人民說經講道莫能過者。

世饒王聞經道，歡喜開解，

便棄國位行作比丘，名曇摩迦留。

發菩薩意，為人高才，

智慧勇猛，無能踰者，與世絕異。

到世饒王佛所，稽首為禮，長跪叉手，稱讚佛言。

……法寶藏比丘……法寶藏菩薩……」

【世間自在王如來・世饒王】 (3/4)

『註』，《大正藏》於此註：

「《明》註曰：

『乃爾劫時』下，至『王』文中，疑有脫誤。

謹按《無量壽經》云：

『次有佛，名世自在王如來，……時有國王。』

可以互證本經王聞經道，

『王』字不應與『世饒』連讀。

此世饒是世饒王如來；此王是國王曇摩迦留，
後更名法寶藏比丘者。」

【世間自在王如來・世饒王】 (4/4)

《佛光大辭典》：

「梵名 Lokeśvararāja 或 Lokeśvara，
係**世**（梵 loka）與**自在**（梵 īśvara）之合成語。
音譯作**樓夷亘羅佛**。又稱**世饒王佛**、**饒王佛**。
饒，即**自在**之義。又作**世間自在王**。」

《翻譯名義集》卷1：

「【**樓夷亘羅**】《清淨平等覺經》翻**世饒王**，
《無量壽經》翻**世自在王**。」

《夏會本》：「有大國主名**世饒王**」，似可商榷。

【法藏因地第四】之一 (23/38)

當時有一大國王，名為世饒王，

聞世間自在王佛說法，

頓然心開，了解實義，故曰「開解」。

由於開解，自然「歡喜」。

如各經末咸云：「聞佛所說，皆大歡喜。」

於是「尋發無上真正道意」。

「尋」者，隨即之義。「發」者，發心也。

「無上真正道」，梵語阿耨多羅三藐三菩提，
即佛所得之道。更無能過之者，故名「無上」。

「真」者，真實。「正」者，聖智，如法相而知故。

「道」者，無礙道也。

「意」者，能求之心。即此求菩提道之心，名意。

【法藏因地第四】之一 (24/38)

故知「發無上真正道意」，
即是發無上大菩提心也。

世饒王聞法開解，隨即發無上大菩提心，
捨棄國土與王位離世出家，成為沙門。

「沙門」原為出家人之通稱，包括外道。
後始作為佛教僧侶之專稱。義為勤息。

《會疏》曰：「此人勤修善法，息諸惡故。」

至於《四十二章經》云：

「辭親出家，識心達本，解無為法，名為沙門。」
此則「沙門」之深義也。

【法藏因地第四】之一 (25/38)

「號曰法藏」。

法藏即世饒王為比丘時之法名。

《漢譯》為「法寶藏」；《吳譯》為「曇摩迦」；
 《唐譯》為「法處」；《宋譯》為「作法」；
 《大論》為「法積」。唯《魏譯》為《法藏》，
 今經沿之。諸本不同，祇是譯者用辭之異而已。
 又「藏」者《探玄記》云有四義：

「一含攝，二蘊積，三出生，四無盡。」

一切法為所藏故，名法藏。

如《嘉祥疏》曰：「在能蘊蓄佛法，故曰法藏。」
 又以能開佛法藏故，名為法藏。

【法藏因地第四】之一 (26/38)

本段盛讚法藏比丘出家後修行之德。

「修菩薩道」自《吳譯》，

表法藏菩薩直趨一乘，不落權小。

《宋譯》曰「大乘第一」，

故知菩薩所修，唯是一乘真如圓滿大法。

「高才勇哲」。**才**，能也，智也。**哲**，明知也。

《嘉祥疏》曰：「稱逸群之能，故曰高才。

能自勝勝他，故稱為**勇**。壞邪見之明，所以言**哲**。」

又《淨影疏》曰：

「才謂才巧，才德過人，故曰高才。

志強名**勇**。心明稱**哲**。」

蓋謂法藏菩薩，才能過人，勇猛精進，心明智朗。

【法藏因地第四】之一 (27/38)

「與世超異」。

《淨影疏》曰：「此德孤出，名世超異。」

又《會疏》曰：

「不（非）常人所及，故云與世超異。」

又《合讚》曰：

「或約地上發心，則所謂世者，地前世間之義耳。」

蓋《合讚》對於法藏菩薩，當時居於何位而發菩提心，未敢遽斷，故以疑惑之語出之，

而曰：「或約（如果是）地上發心。」

【法藏因地第四】之一 (28/38)

地上發心，則「與世超異」中之「世」字，當指初地以前之一切，蓋地前統名世間，**登地以上才名出世間也。**

竊窺《合讚》之意，亦偏於法藏當時是地上發心，唯未率言之耳。

法藏菩薩何位發心，注經家頗有異解。

淨影云：「(節錄)今**尋發無上心**，是地前世間行，**我發無上正覺之心**，是地上出世間行。」

義寂、望西等同之，蓋謂此段之發心，位在地前。**第五品中之發心**，乃是地上菩薩發心。

【法藏因地第四】之一 (29/38)

至於曇鸞、嘉祥、善導諸師與《甄解》均異之。

《甄解》破淨影曰：

「說有前(此段)後(第五品),發心無有二,唯是一發心也。」

蓋謂此段是釋尊說法藏菩薩之發心，

後段是法藏比丘自述所發心。

又後說亦只是重述此發心。

是以經中所說雖有先後之次，詳略之別，

而法藏所發唯是一心，並無有二也。

《甄解》之見甚是。《甄解》復云：

「其龍樹大士為初地(指所判法藏比丘發心之位)，
或為八地。……亦是從果向因，大與諸師別也。」

【法藏因地第四】之一 (30/38)

蓋據《大論》，
龍樹大士判法藏菩薩發心，
或位居初地，或居八地，皆是地上發心，
故大不同於餘師也。《甄解》之說實有所據。

《法華壽量品》曰：

「我（釋尊）實成佛以來，

無量無邊百千萬億那由他劫。」

經中復云釋尊與彌陀，於無量阿僧祇劫前，
同為大通智勝如來前之王子。

故知阿彌陀如來成佛亦極久遠，

法藏比丘正是從果向因。

【法藏因地第四】之一 (31/38)

「信解明記，悉皆第一」。「信」者，信受。

《大乘義章二》云：「於三寶等淨心不疑名信。」

《晉譯華嚴經六》云：

「信為道元功德母，……示現開發無上道。」

「解」者，了解，開解，解了。

《華嚴經》以「信解行證」為綱要。

蓋因真實信解，方能生起真實行證。

又「明記」者，記憶分明也。

於所聞法，記憶不忘，了了分明，故云明記。

「悉皆第一」有二解：一者，至高無上，人莫能超。二者，所信所解所契，悉契第一義諦，故云悉皆第一。

【法藏因地第四】之一 (32/38)

「又有殊勝行願，及念慧力，增上其心，堅固不動」。

「殊勝」者，佛教術語。

「殊」者，特也。「勝」者，超也。

事之超凡絕俗，世間希有者曰殊勝。

「行願」者，乃身行與心願相資。

《菩提心論》曰：

「求菩提者，發菩提心，修菩提行。」

發者，信願也，修者，行也。

信願行三資糧，此三者如鼎之三足，缺一不可。

彌陀號大願王，淨土法門全依彌陀一乘願海，

以信願持名為宗。

【法藏因地第四】之一 (33/38)

可見「願」字，實為自覺覺他之關鍵。

大願能生大力，故與念慧力，同作增上因緣。

《淨影疏》曰：「起行之願，名為願力。」

《會疏》曰：

「願力者，四宏誓願能淨佛國土，成就眾生故。」

今法藏菩薩所具殊勝之願力，無能及者，
是故號為大願王。

又「念慧力」指念力及慧力。

信力、精進力、念力、定力、慧力，稱為五力。

《智度論》曰：

「五根增長，不為煩惱所壞，故名為力。」

【法藏因地第四】之一 (34/38)

又「天魔外道不能阻壞，故名為力。」

又「念力」者，念根增長，能破諸邪念。

「慧力」者，慧根增長，能破三界諸惑。

又靈峰大師曰：

「念根增長，成就一切出世正念功德，名念力。

慧根增長，能遮（止也）通別諸惑，發真無漏，
名慧力。」

見思惑為通惑，三乘所同斷。

塵沙惑、無明惑為別惑，別屬菩薩所斷。

慧光止惑，顯發無漏真智，名為慧力。

如是諸力，悉皆殊勝。

【法藏因地第四】之一 (35/38)

「**增上**」者，
有強力勢，能使它法增長上進曰增上。
今經中增上，至極殊勝。
因**所增上**者，非是餘法，而是「**其心**」。

「**其心**」者，當人之自心也。
《金剛經》曰：「應無所住，而生其心。」
此二經中所標之「**其心**」，正是一心。

譬如磨鏡，垢盡明現。
無明惑盡，自心朗現，故云「**增上其心**」也。

【法藏因地第四】之一 (36/38)

「堅固不動」。

其心如金剛，

能破一切，而不為一切所破，故云堅固。

其心如如，

《金剛經》曰：「如如不動。」故云不動。

此之不動，不是沈空滯寂，

而是心心契於真如法一，

念念流入如來覺海也。

【法藏因地第四】之一 (37/38)

「修行精進，無能踰者」。

「修行」者為通用之辭，自晉後轉為佛教術語。

如理而行戒定慧，曰「修行」。

即佛教中教、理、行、果四法中之行法。

「精進」者勤也。

《慈恩上生經疏》曰：

「精謂精純，無惡雜故。進謂升進，不懈怠故。」


又「踰」者，越也，過也，勝也。

此二句總結上文。修行總括以上種種妙行，

如是諸行悉皆精勤升進，故云「修行精進」。

法藏比丘之德行，無人能及，故云「無能踰者」。

五根五力・主要心所



【法藏因地第四】之一 (38/38)

「詣」者，往也，到也。「所」者，處所也。

「頂禮」，梵音那謨，

此譯歸命、稽首、頂禮，或直曰禮。

常云：頂禮佛足。我所貴者頂也，彼所卑者足也。

以我之所尊，恭敬彼之所卑，表禮敬之極。

「伽他」，舊作「偈」，此翻為「頌」。

頌者，讚也，歌也。採用偈頌之意有二：

一、偈文少字之中，能攝多義，易解易持。

二、偈音美妙，用之讚詠。

法藏比丘到佛前禮佛讚佛，並發以下廣大誓願，現在當來一切眾生，皆依此一乘願海而得度脫。

【法藏因地第四】 經文之二(1/2) (夏會本)

讚佛

1.如來微妙色端嚴
光明無量照十方
2.世尊能演一音聲
又能現一妙色身

一切世間無有等
日月火珠皆暎曜
有情各各隨類解
普使眾生隨類見

發願

3.願我得佛清淨聲
宣揚戒定精進門
4.智慧廣大深如海
超過無邊惡趣門
5.無明貪瞋皆永無

法音普及無邊界
通達甚深微妙法
內心清淨絕塵勞
速到菩提究竟岸
惑盡過亡三昧力

【法藏因地第四】 經文之二(2/2) (夏會本)

求佛覺他德

亦如過去無量佛
6.能救一切諸世間
常行布施及戒忍
7.未度有情令得度
假令供養恆沙聖

求淨佛土願

8.願當安住三摩地
感得廣大清淨居
9.輪迴諸趣眾生類
常運慈心拔有情

請佛證明

10.我行決定堅固力
縱使身止諸苦中

為彼羣生大導師
生老病死眾苦惱
精進定慧六波羅
已度之者使成佛
不如堅勇求正覺
恆放光明照一切
殊勝莊嚴無等倫
速生我刹受安樂
度盡無邊苦眾生

唯佛聖智能證知
如是願心永不退

【法藏因地第四】 經文之二（魏譯本）

- 01 光顏巍巍，威神無極，如是炎明，無與等者。
- 02 日月摩尼，珠光炎耀，皆悉隱蔽，猶如聚墨。
- 03 如來容顏，超世無倫，正覺大音，響流十方。
- 04 戒聞精進，三昧智慧，威德無侶，殊勝希有。
- 05 深諦善念，諸佛法海，窮深盡奧，究其崖底。
- 06 無明欲怒，世尊永無。人雄師子，神德無量。
- 07 功勳廣大，智慧深妙，光明威相，震動大千。
- 08 願我作佛，齊聖法王，過度生死，靡不解脫。
- 09 布施調意，戒忍精進，如是三昧，智慧為上。
- 10 吾誓得佛，普行此願，一切恐懼，為作大安。

【法藏因地第四】 經文之二（魏譯本）

11 假令有佛，百千億萬，無量大聖，數如恒沙，
12 供養一切，斯等諸佛，不如求道，堅正不却。
13 譬如恒沙，諸佛世界，復不可計，無數剎土，
14 光明悉照，遍此諸國，如是精進，威神難量。
15 令我作佛，國土第一，其眾奇妙，道場超絕。
16 國如泥洹，而無等雙，我當愍哀，度脫一切。
17 十方來生，心悅清淨，已到我國，快樂安隱。
18 幸佛信明，是我真證，發願於彼，力精所欲。
19 十方世尊，智慧無礙，常令此尊，知我心行。
20 假令身止，諸苦毒中，我行精進，忍終不悔。

【法藏因地第四】之二 (1/32)

1.如來微妙色端嚴 一切世間無有等
光明無量照十方 日月火珠皆暉曜

此頌在《漢譯》每句為五字，《魏譯》為四字，
唐、宋兩譯均為七字。《吳譯》缺此偈。

唐宋兩譯義理文字均較勝，故今會本亦為七言。

本頌首段是讚歎佛德。「微」者，細小也，精妙也。

「妙」者，好也，善也，精也。

乃讚美之辭，具不可思議、無比之義。

「微妙」者，精妙之極也。

【法藏因地第四】之二 (2/32)

1.如來微妙色端嚴 一切世間無有等
光明無量照十方 日月火珠皆暎曜

「色端嚴」者，色相端正莊嚴也。

《法華經序品》曰：「身色如金山，端嚴甚微妙。」

「暎」者，藏也，隱也，亡也。

「曜」者，明也，照也。

首四句義為：如來微妙難思之色相，端正莊嚴；
一切世間所有諸物，無有能與等比者。

亦即讚佛偈中

「十方所有我盡見，一切無有如佛者」之義。

【法藏因地第四】 之二 (3/32)

1.如來微妙色端嚴 一切世間無有等
光明無量照十方 日月火珠皆曜曜

佛放無量之光明，普照十方國土，
其中日、月、火、珠四者之光焰，悉皆隱蔽不現。

「火」者，燈火、火燭，兼指一切火光。

「珠」者，摩尼也，又作末尼，具足為震路末尼，
譯作珠、寶、離垢、如意，合之可意譯為如意寶珠。
有大光明，超諸世品。

《會疏》曰：

「天下至明，無大於日月。萬品光耀，無過於摩尼。」
「若映佛光，皆悉隱蔽。」

【法藏因地第四】之二 (4/32)

2.世尊能演一音聲 有情各各隨類解
又能現一妙色身 普使眾生隨類見

後繼四句，均是《唐譯》原文。讚歎世間自在王佛圓明具德，事事無礙，不可思議之妙用。

其義為，世尊演說妙法，能於一音聲之中，普使九法界、六趣、四生種種異類眾生，各各隨其品類根性，而能聞能解佛之所說。

世人言語，常因方言問題、知識水平問題而不能解。世尊則妙用無窮，普使一切眾生隨類得解。

更為不可思議者，乃於任一音聲，圓具如是無邊不可思議妙用。正顯超情離見之《華嚴》事事無礙境界。

【法藏因地第四】之二 (5/32)

2.世尊能演一音聲 有情各各隨類解
又能現一妙色身 普使眾生隨類見

《華嚴普賢行願品》曰：

「一切如來語清淨，一言具眾音聲海，
隨諸眾生意樂音，一一流佛辯才海。」

此偈正與本經「世尊能演一音聲，有情各各隨類解」之文同旨。一聲中有無量聲，無量聲中之一一聲，皆有無邊妙用，能隨眾生之意樂，一一流出無邊之慧辯，使眾生得聞，得解，得度。

此即是十玄門中之「主伴圓明具德門」。

一法圓滿一切法之功德，故曰圓明具德。

今一音之中出無量音，圓說一切法，普度無邊眾，是即「圓明具德」。可見本經實與《華嚴》一味。

【法藏因地第四】之二 (6/32)

2.世尊能演一音聲 有情各各隨類解
又能現一妙色身 普使眾生隨類見

上明如來之語密。

下曰：「又能現一妙色身，普使眾生隨類見」。

此二句顯世尊之身密，能現一微妙之色身，
普使種種眾生，各各隨其品類而得見佛。

按佛身可別為五：

一法身，二報身，三應身，四化身，五等流身。

一、法身，即自性身，名為毘盧遮那，
譯為遍一切處。乃中道理體，離一切相及諸戲論，
具無邊真淨功德，乃唯佛與佛之境界。

【法藏因地第四】之二 (7/32)

2.世尊能演一音聲 有情各各隨類解
又能現一妙色身 普使眾生隨類見

二、報身，如來名盧舍那，譯為光明遍照，
能使初地以上之菩薩感見之。

三、應身，如釋迦文，指八相成道之佛。
地前菩薩、二乘、凡夫得感見之。

四、化身，一時化現之佛為化身。

五、等流身，密教所立四身之一。佛身示現為
與人天鬼畜等類同形之身，異類可得見之。

今經則佛於一身，現無量種種之身，可使種種
眾生各各得見。同表圓明具德，不可思議境界。

【法藏因地第四】之二 (8/32)

上為讚佛，下為發願。

法藏比丘於歎佛功德後，隨即發起廣大誓願，願自作佛，願攝佛土，普利眾生，速成正覺。

蓋發廣大願實為至要。

如《普賢行願品》曰：

「如來功德，假使十方一切諸佛，
經不可說不可說佛剎極微塵數劫，
相續演說，不可窮盡。

若欲成就此功德門，應修十種廣行願。」

【法藏因地第四】之二 (9/32)

蓋淨宗以信願行為三資糧。

靈峰大師曰：「非信不足啟願，非願不足導行。」

清省庵法師曰：

「修行急務，立願居先。願立則眾生可度，
心發則佛道堪成。」

又曰：「故知欲學如來乘，
必先具發菩薩願，不可緩也。」

下段為願求自覺覺他之德。

為覺他故，首須覺己；求自覺者，端為覺他。

【省庵法師】

《省庵法師語錄》〈勸發菩提心文〉卷1：

入道要門，發心為首；修行急務，立願居先。
願立則眾生可度，心發則佛道堪成。

苟不發廣大心，立堅固願，則縱經塵劫，
依然還在輪回。雖有修行，總是徒勞辛苦。

故《華嚴經》云：

『忘失菩提心，修諸善法(根)，是名(為)魔業。』
忘失尚爾，況未發乎！

故知欲學如來乘，必先具發菩薩願，不可緩也。」

省庵大師：名實賢，字思齊；
淨宗十三祖之第11祖。參考《淨宗概論》。

【法藏因地第四】之二 (10/32)

3.願我得佛清淨聲 法音普及無邊界
宣揚戒定精進門 通達甚深微妙法

首二句乃法藏比丘，願具如佛利他之行德。
願得如來清淨之聲。

「清淨」者，無惡行之過失、離煩惱之垢染曰清淨。
願我如佛能宣無過離垢之法音，普及無邊各各之界。

「界」者，《大乘義章》曰：

「界別（分別、差別）為界，諸法性別，故名為界。」

蓋謂界者，以差別為義。

事物彼此能持自相，差別而無混，是曰界。

俗語中，「各界人士」，此界字亦具上義。

由是可知，「普及無邊界」即是遍於一切。

【佛清淨聲・法音】

《思益梵天所問經》卷2〈問談品 6〉：

普光自在王如來不以文字說法，
但放光明照諸菩薩，光觸其身，即得無生法忍；
其佛光明復照十方通達無礙，令諸眾生得離煩惱。

又其光明常出三十二種清淨法音。

何等三十二？所謂諸法空、無相、無作、
離欲、離瞋、離癡、無所從來、無所去、
…不住、無我、如相、…入法性、是菩提、是涅槃。

普光自在王如來光明，常出如是清淨法音，
能令諸菩薩施作佛事。

【法藏因地第四】之二 (11/32)

3.願我得佛清淨聲 法音普及無邊界
宣揚戒定精進門 通達甚深微妙法

第三句「**宣揚戒定精進門**」，此句是《宋譯》，在《唐譯》為「演說施戒諸法門，忍辱精勤及定慧。」《唐譯》文詳，表宣說六度：**一布施，二持戒，三忍辱，四精進，五禪定，六般若。**《漢譯》亦如之。今《宋譯》較略，蓋以戒定精進三度，賅攝其餘。

此下「**通達甚深微妙法**」，此法即十方佛讚，**持名念佛，無上甚深之法。**法藏比丘願法音如佛，廣宣六度等妙行，欲令眾生通達此甚深微妙之法，心作心是，明自本心，識自本性，皆當成佛度生也。

【法藏因地第四】之二 (12/32)

4.智慧廣大深如海 內心清淨絕塵勞
超過無邊惡趣門 速到菩提究竟岸

「智慧」即般若。《智度論》曰：

「般若者，秦言智慧。一切諸智慧中，最為第一，
無上無比無等，更無勝者。」

又《往生論註》曰：「般若者，達如之慧名。」

其義為，通達於真如之智慧，名為般若。

又《大乘義章》曰：

「真心體明，自性無闇，目之為慧。」其義為，
真心本體明現，自性朗然，明顯無暗，稱之為慧。
今經於自覺願中，首言智慧者，以智慧最上故。

【法藏因地第四】之二 (13/32)

4.智慧廣大深如海 內心清淨絕塵勞
超過無邊惡趣門 速到菩提究竟岸

又佛法大海，智為能度故。如《漢譯》曰：「檀施調伏意，戒忍及精進。如是三昧定，智慧為上最。」

《嘉祥疏》曰：「明五度為行，不能出離生死。要須智慧達解本原，方皆過出，故云最上也。」

又從上引《大乘義章》可見智慧，即真心體明，自性無闇。故知正當智慧深廣如海時，其內心亦必清淨，無惡無過，離垢離染，絕諸塵勞。故云「內心清淨絕塵勞」也。如《心經》云：

「行深般若波羅密多時，照見五蘊皆空，度一切苦厄。」

【法藏因地第四】之二 (14/32)

4.智慧廣大深如海 內心清淨絕塵勞
超過無邊惡趣門 速到菩提究竟岸

「絕」者，斷也，滅也，徹無也。

「塵勞」者，煩惱也。因貪瞋等煩惱，

如塵垢蔽覆真性，勞亂身心，故曰塵勞。

如上智慧深廣，清淨絕塵，故超越無邊無數畜鬼地獄之門，不墮三惡道，故云「超過無邊惡趣門」，

並迅速達到菩提之究竟彼岸。

「菩提」，覺也。「菩提究竟岸」，即究竟覺也。

【法藏因地第四】之二 (15/32)

4.智慧廣大深如海 內心清淨絕塵勞
超過無邊惡趣門 速到菩提究竟岸

《三藏法數》曰：

「究竟即決定終極之義也。謂能覺了染心之源，
究竟終窮，同於本覺，故名究竟覺。」

是為菩薩大行圓滿，究竟至極之覺，即成佛之位也。

法藏比丘為度生死，首求智慧。
以慧照故，內心清淨永絕塵勞，
於是杜塞惡趣，速證究竟果覺，
故云「速到菩提究竟岸」。

【法藏因地第四】之二 (16/32)

- 4.智慧廣大深如海 內心清淨絕塵勞
 超過無邊惡趣門 速到菩提究竟岸
 5.無明貪瞋皆永無 惑盡過亡三昧力

「岸」者，彼岸也。生死為此岸，涅槃為彼岸。

「究竟岸」者，究竟涅槃之位也。

「無明」，癡之異名。《大乘義章》曰：

「癡闇之心，體無慧明，故曰無明。」

無明貪瞋，即三毒。

由於智慧到彼岸，並因三昧之力，故三毒永無，
 三惑（見思、塵沙與無明）俱盡，過失皆亡。

【法藏因地第四】之二 (17/32)

5.無明貪瞋皆永無 惑盡過亡三昧力

「三昧」者，正定，正受，等持。

《探玄記三》曰：「三昧，此云等持，離沈浮故。

定慧等故，名等也。心不散故，住一境故，名持也。」

至於諸三昧中，唯有念佛三昧，最尊如王，至貴若寶，故《大集經》中稱之為寶王三昧，此處所指，應即此三昧也。

末後「力」字，表以上種種盛德，乃由此三昧力也。故云：「無明貪瞋皆永無，惑盡過亡三昧力。」

此六句願文，以智慧為首，

以寶王三昧及定慧等持為結，實有深意。

【法藏因地第四】之二 (18/32)

亦如過去無量佛	為彼羣生大導師
6.能救一切諸世間	生老病死眾苦惱
常行布施及戒忍	精進定慧六波羅
7.未度有情令得度	已度之者使成佛
假令供養恆沙聖	不如堅勇求正覺

上之一段願文，求佛之覺他德。

首四句表法藏比丘願如過去無量一切諸佛，
為一切有情之大導師，導引眾生，離苦得樂，
從迷得悟，出生死海，入佛知見；
並以種種方便，令一切眾生得無畏力。

故曰：「能救一切諸世間，生老病死眾苦惱。」

【法藏因地第四】之二 (19/32)

亦如過去無量佛	為彼羣生大導師
6.能救一切諸世間	生老病死眾苦惱
常行布施及戒忍	精進定慧六波羅
7.未度有情令得度	已度之者使成佛
假令供養恆沙聖	不如堅勇求正覺

「諸世間」者，淺言之，欲界、色界、無色界是世間。三界無安，猶如火宅，皆在生死海中，故願救度。進言之，則地前諸位亦是世間，無明未盡，亦應度脫。

「常行布施」以下四句，顯法藏菩薩無盡大悲之本願，願常行六度，普度眾生。

【法藏因地第四】之二 (20/32)

《普賢行願品》曰：

「諸佛如來以**大悲心**而為體故。

因於眾生而起大悲；因於大悲生**菩提心**；

因菩提心**成等正覺**。譬如曠野沙磧之中有大樹王，
若根得水，枝葉華果悉皆繁茂。

生死曠野菩提樹王，亦復如是。

一切眾生而為樹根，諸佛菩薩而為華果。

以**大悲水**饒益眾生，則能成就諸佛菩薩**智慧華果**。」

又《大日經》曰：「**大悲**為根。」

今法藏菩薩亦復如是。

以**大悲**故，廣行六度，普度群生。

【法藏因地第四】之二 (21/32)

常行布施及戒忍 精進定慧六波羅
7.未度有情令得度 已度之者使成佛

六波羅密，即六度，是證涅槃之正因。願行六度，即「法門無邊誓願學」與「佛道無上誓願證」也。

又布施治慳貪，持戒治破戒，忍辱治瞋恚，

精進治懈怠，禪定治散亂，智慧治愚癡。

常行六度，是即「煩惱無邊誓願斷」也。

自覺覺他，以己之覺，普覺眾生；以己之行，導引眾生；以己之德，迴向眾生，是即「眾生無邊誓願度」。

故下云「未度有情令得度，已度之者使成佛」，拯濟負荷，悉登彼岸。此之四句，實攝四宏誓願。

【法藏因地第四】之二 (22/32)

假令供養恆沙聖 不如堅勇求正覺

「假令供養恆沙聖，不如堅勇求正覺」。

「恆沙」者，指印度恆河之沙。

因恆河沙多，又因大眾眼見，故佛常引為喻。

文意為，假令供養如恆河沙數無量諸佛，

「不如求正覺，堅勇而不怯」

(上為《漢譯》原文)。

今此經文，正與《華嚴普賢行願品》一味。

【法藏因地第四】之二 (23/32)

《行願品》曰：「善男子：諸供養中，法供養最。」

所謂如說修行供養；利益眾生供養；
攝受眾生供養；代眾生苦供養；勤修善根供養；
不捨菩薩業供養；不離菩提心供養。

善男子：如前供養無量功德，比法供養一念功德，
百分不及一，千分不及一，百千俱胝那由他分、
迦羅分、算分、數分、喻分、優婆尼沙陀分，
亦不及一。何以故？以諸如來尊重法故。
以如說行，出生諸佛故。

若諸菩薩行法供養，則得成就供養如來。

如是修行，是真供養故。」

【法藏因地第四】之二 (24/32)

假令供養恆沙聖 不如堅勇求正覺
以「**堅勇求正覺**」是**法供養**，是**真供養**，
供養中最，故勝於以餘物供養恆沙諸聖也。

上文中「俱胝」，此云千萬。

「那由他」，此云萬萬。以下則為更多之數。
最後「優婆尼沙陀分」，將大地碎為極微之微塵，
其數眾多。法供養之功德，如地球所有微塵之總數，
至於財物供養之功德尚不及一微塵，
更何能比於地球微塵之總和？

此乃盛讚法供養功德不可思議。

此較量彌顯法藏菩薩「**堅勇求正覺**」，
其功德遠超供養恆沙諸聖。

【法藏因地第四】之二 (25/32)

8.願當安住三摩地	恆放光明照一切
感得廣大清淨居	殊勝莊嚴無等倫
9.輪迴諸趣眾生類	速生我刹受安樂
常運慈心拔有情	度盡無邊苦眾生

右之八句是**求成佛攝淨佛土願**，
此八句實以上諸願之總歸，亦是下四十八願之核心。

《普賢行願品》曰：

「若諸菩薩以大悲水饒益眾生，
則能成就阿耨多羅三藐三菩提。
是故菩提，屬於眾生。」

為成就度生事業之究竟方便，故發大願攝淨國土。

【法藏因地第四】之二 (26/32)

8.願當安住三摩地 恆放光明照一切
感得廣大清淨居 殊勝莊嚴無等倫

「願當安住三摩地，恆放光明照一切」。

上句中「三摩地」即三昧，正定。

願安住於正定之中，常放光明，遍照一切。

又上句，寂也，體也；下句，照也，用也。

此二句正表定慧等持、寂照同時、體用不二之妙德。

放光表修德，其體為性德。寂而常照，照而恆寂。

土即常寂光，身即無量壽、無量光如來。

故安住寂定，恆放光明，遍於一切。

【法藏因地第四】之二 (27/32)

8.願當安住三摩地 恆放光明照一切
感得廣大清淨居 殊勝莊嚴無等倫

至於所感得者，乃「**廣大清淨**」之佛國也。
句中「**居**」字，即指**國土**。

「**廣大**」者即經中「寬廣平正，不可限極」。

「**清淨**」者，即「清淨莊嚴，超踰十方」，

故云「**廣大清淨居**」也。

如《往生論》所謂三種莊嚴入一法句，
一法句者，清淨句。清淨句者，真實智慧無為法身。
無為法身，體也，從是流現極樂依正莊嚴。

故云：「**感得廣大清淨居，殊勝莊嚴無等倫。**」

【法藏因地第四】之二 (28/32)

8.願當安住三摩地 恆放光明照一切
感得廣大清淨居 殊勝莊嚴無等倫
9.輪迴諸趣眾生類 速生我刹受安樂
常運慈心拔有情 度盡無邊苦眾生

「無等倫」者，無能等，無能比。

又《魏譯》曰「道場超絕」。超絕即殊勝，故與此同。

《嘉祥疏》曰：「修道疾速成佛，故云超絕。」

嘉祥大師一語破的。淨宗之殊勝超絕，首在疾速成佛，凡夫往生，逕登不退，不退才能疾速成佛也。

因有此殊勝方便，

故普願「輪迴諸趣眾生類，速生我刹受安樂」。

【法藏因地第四】之二 (29/32)

8.願當安住三摩地	恆放光明照一切
感得廣大清淨居	殊勝莊嚴無等倫
9.輪迴諸趣眾生類	速生我刹受安樂
常運慈心拔有情	度盡無邊苦眾生

此之**安樂**，才是真實安樂。

頓脫生死，速成正覺，故云**安樂**。

又《稱讚淨土經》曰：

「為諸有情宣說甚深微妙之法，令得殊勝利益安樂。」

又「無有一切身心憂苦，唯有無量清淨喜樂。

是故名為極樂世界。」故云「**受安樂**」也。

經云「惠以真實之利」正指此。

【法藏因地第四】之二 (30/32)

「常運慈心拔有情，度盡無邊苦眾生」。

「慈」者，與樂。「悲」者，拔苦。

此兩句表法藏大慈大悲之弘誓。

願常為一切眾生拔苦與樂，盡未來際拯濟負荷，度盡眾生，方成正覺也。

「常」，指時間。過去、未來、現在為三際。

常即豎窮三際，即包括過去、現在、未來一切時間。

「無邊」兼指空間，遍及十方虛空，即橫遍十虛，包括一切空間。故無邊者，乃十方三世無量無邊也。

法藏菩薩於一切時中，於一切處，大慈大悲度脫眾生，務期度盡方休。但時間無有窮盡，空間無有窮盡，

眾生亦無有窮盡，故此大慈大悲大願大行亦終無窮盡也。

【法藏因地第四】之二 (31/32)

10.我行決定堅固力 唯佛聖智能證知
縱使身止諸苦中 如是願心永不退

本頌分為三大段，首為讚佛，次為發願，
在末後四句偈，則為**請佛證明**，
法藏比丘發願已，即請世自在王如來為作證明。

「**我**」者，**法藏**自稱。

我之**願行**，所具決定堅固之力，唯佛世尊三覺圓滿，
五眼明朗，智慧無礙，始能為我真實證明，
故云「**唯佛聖智能證知**」也。

又法藏發願時已是**地上菩薩**，境界甚深，
故非餘人所能知，唯佛聖智始能作證，
此亦深表法藏大士妙德難測。

【願、行】

淨空和尚云：

修行，有很多的苦難須要克服。

度眾生，眾生很難度，

像《地藏經》上講的：「閻浮提眾生剛強難化」，

你好心去幫助他，他還誤會你，還得找你麻煩。

所以菩薩要有很大的耐性，永遠不退轉，

這是願行相符，才能夠滿願。

有願要沒有行，這個願會落空，這個願是假的；

有行要沒有願，這個行沒有目標、沒有方向，

也不會有結果。所以，行願要相輔相成。……

【法藏因地第四】之二 (32/32)

10.我行決定堅固力 唯佛聖智能證知
縱使身止諸苦中 如是願心永不退

最末二句，**結誓立心**。《唐譯》曰：

「縱沈無間諸地獄，如是**願心終不退**。」無間地獄，苦毒無限，《唐譯》舉地獄極重之苦以攝諸餘。今經法藏誓言，「**縱使身止諸苦中**」，諸苦自當賅括地獄。我之如上願行，縱墮地獄亦不退轉，

正顯前文「**我行決定堅固力**」也。

又《會疏》曰：

「但有其願，願即虛。但有其行，行即虛。
要須願行相扶，所為皆尅。（「尅」今作「克」，成也。）」

【願心終不退】 (1/2)

精進二種違緣		對治方法
(一) 雖見能 修善法 而不行	1.念後有暇 而作推緩	但念人命無常，命終會墮 惡道，故須把握現在
	2.為庸常事等 所映蔽	善觀正法是出生喜樂之因， 世間事等無真實利益
(二) 我何能 修彼之 怯弱	1.佛之功德 無邊故	念昔諸佛亦非最初即得甚高 之道，亦唯如我漸次上進
	2.須捨手足等 無量難行故	為除重苦，應忍小苦； 有難行想時，可不即施
	3.須於生死 受無邊生故	若通達生死無有自性、 如幻故，則於心無苦

【願心終不退】 (2/2)

精進四種順緣

一、發勝解力

思維業果，能取捨，
生起欲心，是勝解力

二、發堅固力

無論如何，未知不行，知然後行，
行必究竟，是堅毅力

三、發歡喜力

如童稚戲，踴躍從事，無間無歇，
勤奮精進，是歡喜力

四、暫止息力

為發勤精進，暫息身心勞倦，
息已無間，仍復精勤，是為捨力

雪廬老人淨土詩偈

迷途沉海不知岸
通途知岸泅水行
何似捷途坐船上
逍遙自在向前程



迴向偈

願以此功德，莊嚴佛淨土。

上報四重恩，下濟三塗苦。

若有見聞者，悉發菩提心。

盡此一報身，同生極樂國。